





浙江圖書館



浙江圖書館



浙江圖書館

國語第六

鄭

桓公為司徒甚得周眾與東土之人問於史伯曰

王室多故余懼及焉其何所可以逃死史伯對曰

王室將卑戎翟必昌不可備也當成周者南有荆

蠻申呂應鄧陳蔡隨唐北有衛燕翟鮮虞路洛泉

徐蒲西有虞虢晉隗霍楊魏芮東有齊魯曹宋滕

薛鄒莒是非王之支子母弟甥舅也則皆蠻荆戎

翟之人也非親則頑不可入也其濟洛河潁之間

穆文熙曰王者不擇地伯者不擇國卿之故地未為不善也而乃謀遷就節之間欲兼而有之不義已甚而又南鄰楚北鄰晉王帛待於二境卒為人兩兼豈非為謀之舛哉

親則不忍頑則不能



鄭語一卷單
叙桓公避難
遷都一事中
含成周列國
興亡共四大
段首言戎翟
攻南方次西
州後則總言
周之漸引據
精詳數陳明
悉其文辭則
如老翁談家
常事以質實
勝

乎。是其子男之國。號鄒原為大號。叔恃勢。鄒仲恃險。
是皆有驕侈怠慢之心。而加之以貪冒。君若以周
難之故。寄孥與賄焉。不敢不許。周亂而弊。是驕而
貪。必將背君。君若以成周之衆奉辭伐皐。無不克
矣。若克二邑。鄆偃蔽補丹。依柔咻歷莘。君之土也。若前
莘後河。右洛左濟。主浮芼隗而食。溱洧修典。刑以守
之。唯是可以少固。公曰。南方不可乎。對曰。夫荆子
熊嚴生子四人。伯霜中雪。叔熊季紉。叔逃難於濮。
而蠻季紉是立。遠氏將起之。禍又不克。是天啓之。

樹叙

成樂物生言
成育萬物使
之樂生也一
作成物樂生

心也。又甚聰明，能協蓋其先王。臣聞之，天之所啓，十世不替。夫其子孫必光啓土，不可偏也。且重黎之後也。夫黎爲高辛氏火正，以淳耀^曜惇大天明地德，光照四海，故命之曰祝融。其功大矣。夫成天地之大功者，其子孫未嘗不章。虞夏商周是也。虞幕能聽協風，以成樂物生者也。夏禹能單^{都寒}平水土，以品^品處庶類者也。商契^{是列}能合五教，以保於百姓者也。周棄能播殖百穀，疏以衣食民人者也。其後皆爲王公侯伯。祝融亦能昭顯天地之光明，以生柔

補日切又
彼力切

嘉材者也。其後八姓於周，未有侯伯佐制物於前
 代者。昆吾為夏伯矣。大彭、豕韋為商伯矣。當周未
 有已姓、昆吾、蘇、顧、溫、董、董姓子、鬲、夷、豳、龍，則夏滅之
 矣。彭姓、彭祖、豕韋諸稽，則商滅之矣。禿姓、舟人，則
 周滅之矣。妘姓、鄆、鄆路、偃、陽、曹姓、鄒、莒，皆為采衛。
 或在王室，或在夷翟，莫之數也。而又無令聞，必不
 興矣。斟姓無後。融之興者，其在芊耳姓乎？芊姓夔、越
 不足命也。蠻、芊、蠻矣。唯荆實有昭德。若周衰，其必
 興矣。姜、嬴、荆、芊，實與諸姬代相干也。姜伯夷之後

揀入齊秦

也。嬴伯翳於詩之後也。伯夷能禮於神以佐堯者也。伯

翳能議百物以佐舜者也。其後皆不失祀而未有

興者。周衰其將至矣。公曰：謝西之九州何如？對曰：

其民徒合雅字沓貪而忍，不可因也。唯謝嘉郊之間，其冢君侈

驕，其民怠沓其君而未及。周德若更君而周訓之

是易取也，且可長用也。公曰：周其弊乎？對曰：殆於

必弊者，大誓曰：民之所欲，天必從之。今王棄高明

昭顯而好讒，慝暗昧，惡角犀，豐盈而近頑童，窮固

去，蘇而取，同夫蘇實生物，同則不繼，以它句法平它，謂

善論

素所白切一作素

咳或作咳

之。穌故能豐長而物生之。若以同禪向盡○精○語○乃棄矣。
 故先王以土與金木水火雜以成百物。是以穌五
 味以調口剛。四支以衛體。穌六律以聰耳。正七體
 以役心。平八索以成人。建九紀以立純德。合十數
 以訓百體。出千品具萬方。計億事材兆物。收經入
 行該。極故王者居九咳該之田。收經入以食兆民。周
 訓而能用之。穌樂如一。夫如是。穌之至也。於是乎
 先王聘后於異姓。求財於有方。擇臣取諫。工而講
 以多物。務穌同也。聲精一無聽。物一無文。味一無果。

刺與專通高
于信而不見
敬者好刺行
也

物一不講。王將棄是類而與刺同。天奪之明。欲無
弊得乎。夫號石父。讒諂巧從之人也。而立以爲卿
士。與刺同也。棄聘后而立內妾。好窮固也。侏儒戚
施寔御在側。近頑童也。周法不昭。而婦言是行。用
讒慝也不建立。立卿士而妖試。幸措行暗昧也。是物
也不可以久。且宣王之時。有童謠曰。槃弧箕服。實
亡周國。於是宣王聞之。有夫婦鬻是器者。王使執
而戮之。府之小妾。生女而非王子也。懼而棄之。此
人也。收以奔襃。襃人有獄。而以爲入天之命。此久

不例叙

章注

矣其又可為乎訓語有之曰夏之衰也褒人之神
 化為二龍以同於王庭而言曰余褒之二君也夏
 后卜殺之與去之與止之莫吉卜請其殽而藏之
 吉乃布幣焉而策告之龍亡而殽在櫝而藏之傳
 郊之及殷周莫之發也及厲王之末發而觀之殽
 流於庭不可除也王使婦人不憚而諫之化為玄
 龜以入於王府府之童妾未既亂而遭之既筭而
 孕當宣王而生不夫而育故懼而棄之為弧服者
 方戮在路夫婦哀其夜號也而取之以逸逃於褒

褒人褒姒有獄而以為入於王王遂置之而嬖是
女也使至於為后而生伯服天之生此久矣其為
毒也大矣將俟淫德而加之焉雅字毒之首腊者其殺
也滋速申繒西戎方彊王室方騷將以縱欲不亦
難乎王欲殺太子以成伯服必求之申申人弗畀
必伐之若伐申而繒與西戎會以伐周周不守矣
繒與西戎方將德申申呂方彊其隕愛太子亦必
可知也王師若在其救之亦必然矣王心怒矣訖
公從矣凡周存亡不三稔矣審君若欲避其難速規

魏法
徐波

僑與俊同

所矣時至而求用恐無及也公曰若周衰諸姬其孰興對曰臣聞之武實昭文之功文之胙盡武其嗣乎武王之子應韓不在其在晉乎距險而鄰於小若加之以德可以大啓公曰姜嬴其孰興對曰夫國大而有德者近興秦仲齊侯姜嬴之僑也且大其將興乎公說乃東寄孳與賄虢郟受之十邑皆有寄地幽王八年而桓公爲司徒九年而王室始騷十一年而蹇及平王未而秦晉齊楚代興秦景襄於是乎取周土晉文侯於是乎定天子齊莊

僖於是乎小伯楚蚡芳葛目於是乎始啓濮

桓公周厲王之少子。宣王封之於鄭。茅騶山名。主爲之神主也。遠氏楚大夫。熊霜之世。叔熊逃奔濮而從蠻俗。熊霜死。國人立季紉。遠氏將起叔熊立之。又有禍難而不能立也。虞幕舜後。虞思也。單盡也。疏草菜之可食者。八姓祝融之後。已董彭秃姁曹斟芋也。謝宣王之舅申伯之國也。一千五百家曰州。奔驥也。郊後屬鄭。鄭衰楚取之。魯昭元年。傳曰。葬王於郊。謂之郊。教是也。周德之周。忠信也。角犀。顏角有伏犀。豐盈頰輔。豐滿皆賢明之相。以它平它。謂陰陽相生。異味相蘇也。剛彊也。七體七竅。八索謂八體。以應八卦也。乾爲首。坤爲腹。震爲足。巽爲股。離爲目。兌爲口。坎爲耳。艮爲手。九紀九藏也。正藏五。又有胃膀胱腸膽也。紀所以經紀性命。立純德也。周禮曰。九藏之動。賈唐云。九紀九功也。十數。自王以下。位有十等。王臣公。公臣大夫。大夫臣士。士

臣卑。卑臣輿。輿臣隸。隸臣僚。僚臣僕。僕臣臺。百
體。百官各有體屬也。合此十數之名。以訓導百
官之體也。百官官有徹品。十於王。謂之千品。五
物之官。陪屬萬位。謂之萬方。方道也。計筭也。材
裁也。經常也。姦備也。萬萬曰姦。數極於姦也。自
十等至千品萬方。轉相生。故有億事兆物。王收
其常入。舉九姦之數也。九咳。九州之極數也。果
美也。講論校也。試用也。措置也。山桑曰檠。弧弓
也。箕。木名。服。夫房也。其處曰同。聚。龍所吐沫。龍
之精氣也。傳郊之。傳祭於郊也。裳。正幅曰幃。謀
謹呼也。鼃。或為蚘。蚘。蜥蜴也。象龍。遭。遇也。毀齒
曰齒。未既亂。毀未畢也。女七歲而毀齒。十五而
笄。置之。赦。褒姦也。精熟為曾。腊。極也。申。幽王前
后太子宜臼之舅也。繒。申之與國。西戎亦黨於
申者。必求之申。太子將奔申。故也。畀。與也。申。呂
同姓。隩。隱也。稔。年也。求用之用。猶備也。秦仲。嬴
姓附庸。為宣王大夫。齊侯。齊莊公也。十邑。謂虢
鄆。鄆。蔽補丹。依。皤。歷。莘也。後桓公之子武公。竟

取十邑之地而居之。今河南新鄭是也。賈侍中云。寄地猶寄止也。景當為莊。莊公秦仲之子。有功於周。周賜之土。及平王東遷。襄公佐之。故得西周豐鎬之地。始命為諸侯也。晉文侯。文侯仇。迎平王定於洛邑。小伯。小主。諸侯會盟。蚡冒。季紉之孫。

皇明萬曆己未仲秋烏程閔齊伋遇五父裁注

浙江圖



浙江圖書館



浙江圖書館
地址：杭州
電話：...

圖書

國語第七

楚

魯忘偉切徐鉉引說文無

疊字當作媿

歲之林切按

史記左傳楚

共王名皆作

審

此見噎廢食之論不可為訓

莊王使士亶傅太子蒧，辭曰：臣不材，無能益焉。王曰：賴子之善，善之也。對曰：夫善在大子，太子欲善，善人將至；若不欲善，善則不用。故堯有丹朱，舜有商均，啓有五觀，湯有大甲，文王有管蔡，是五王者，皆元德也，而有姦子，夫豈不欲其善，不能故也。若民煩可教，訓蠻夷，戒翟，其不賓也久矣。中國所不能，用也。王卒使傅之，問於申叔時，叔時曰：教之春

太排之度

秋而爲之聳善而抑惡焉以戒勸其心教之世而
爲之昭明德而廢幽昏焉以休懼其動教之詩而
爲之道廣顯德以耀明其志教之禮使知上下之
則教之樂以疏其穢而鎮其浮教之令使訪物官
教之語使明其德而知先王之務用明德於民也
教之故志使知廢興者而戒懼焉教之訓典使知
族類行比義焉若是而不從動而不悛則文詠物
以行之求賢良以翼之悛而不攝則身勤之多訓
典刑以納之務慎惇篤以固之攝而不徹則明施

可欲

舍以道之忠。明久長以道之信。明度量以道之義。
明等級以道之禮。明恭儉以道之孝。明敬戒以道
之事。明慈愛以道之仁。明昭利以道之文。明除害
以道之武。明精意以道之罰。明正德以道之賞。明
齊肅以耀之臨。若是而不濟不可爲也。且夫誦詩
以輔相之。威儀以先後之。體貌以左右之。明行以
宣翼之。制節義以動行之。恭敬以臨監之。勤勉以
勸之。孝順以納之。忠信以發之。德音以揚之。教備
而不從者。非人也。其可興乎。夫子踐位則退。自退

則敬不則赧時任

五觀啓子。太康昆弟也。傳曰。夏有觀扈。煩亂也。春秋見晉語。世先王之世繫也。昭顯也。爲之陳有明德者世顯。而闇亂者世廢也。道廣之道。開也。令先王之官法時令。攝固也。施施已所欲。舍原心舍過。昭明也。明利言利人及物也。明精意者斷之以情也。正德謂不私所愛也。耀明也。臨臨事。宣徧也。夫子太子也。退謙退。自退則見敬也。赧懼也。不自退則恒憂懼。

召令

恭王有疾。召大夫曰。不穀不德。失先君之業。覆楚國之師。不穀之臯也。若得保其首領。以沒。唯是春秋所以從先君者。請爲靈。若厲。大夫許諾。王卒及葬。子囊議諡。大夫曰。君王有命矣。子囊曰。不可。夫

事君者先其善不從其過赫赫楚國而君臨之撫
征南海訓及諸夏其寵大矣有是寵也而知其過
可不謂恭乎若先君善則請為恭大夫從之

業伯業謂鄢陵之戰為晉所敗亂而不損曰靈殺戮不辜曰厲言春秋禘祫當以主諡序昭穆從先君於廟也寵榮也諡法既過能改曰恭先君善先其善事也

居勿屈到嗜芟有疾召其宗老而屬之曰祭我必以芟

及祥宗老將薦芟屈建命去之宗老曰夫子屬之

子木曰不然夫子承楚國之政其法刑在民心而

藏在王府上之可以比先王下之可以訓後世雖

柳宗元曰門內之禮恩掩義父子恩之至也而芟之薦不為愆義屈子以禮之末惡絕其父將死之言吾

未敢賢乎爾

也禮之言齋

也曰思其所

嗜屈建曾無

思乎

湫子消切左
傳作椒

國語

微楚國諸侯莫不譽其祭典有之曰國君有牛享

大夫有羊饋士有豚犬之奠庶人有魚炙之薦邊

豆脯醢則上下共之不羞珍異不陳庶侈夫子不

以其私欲干國之典遂不用

芟菱也。家臣曰老。宗老為宗人者。建。屈到
之子。子木也。羞。進也。庶。衆也。侈。猶多也。

湫舉娶於申公子牟。子牟有皐而亡。康王以湫舉

為遣之。湫舉奔鄭。將遂奔晉。蔡聲子將如晉。遇之

於鄭郊。饗之以璧。侑曰。子尚良食。二先子其皆相

子尚能事晉君。以為諸侯主。辭曰。非所願也。若得

歸骨於楚死且不朽聲子曰子尚良食吾歸子湫

重句有致

舉降三拜納其乘馬聲子受之還見令尹子木子

木與之語曰子雖兄弟於晉然蔡吾甥也二國孰

賢對曰晉卿不若楚其大夫則賢其大夫皆卿材

上辭

也若杞梓皮革焉楚實遺之雖楚有材不能用也

勝內傳

子木曰彼有公族甥舅若之何其遺之材也對曰

昔令尹子元之難或譖王孫啓於成王王弗是王

孫啓奔晉晉人用之及城濮之役晉將遁矣王孫

啓與於軍事謂先軫曰是師也唯子玉欲之與王

叔子

秋

童其大友字

語若無心然
中有寸鐵殺
人處如此開
吞便有主張

中唯五臣事
與內傳同餘

稍錯矣

述事詳於內

傳而辭不隸

章法

心違故唯東宮與西廣右曠實來諸侯之從者畔者半

矣若敖氏離矣楚師必敗何故去之先軫從之大

敗楚師則王孫啓之為也向法昔莊王方弱申公子儀

父為師王子變為傅使師崇子孔帥師以伐舒變

及儀父施二帥而分其室師還至則以王如廬廬

戰黎殺二子而復王或譖析公臣於王王弗是析

公奔晉晉人用之實讒敗楚使不規東夏則析公

之為也昔離子之父兄譖離子於恭王王弗是離

子奔晉晉人用之及鄆之役晉將遁矣離子與於

工辭

工務

軍事謂樂書曰楚師可料也。在中軍王族而已。若
句法易中下楚必歆之。若合而函吾中吾上下必敗其
左右則三萃以攻其王族必大敗之。樂書從之大
敗楚師。王親面傷。則雖子之為也。昔陳公子夏為
御叔取於鄭穆公。生子南。子南之母亂陳而亡之。
使子南戮於諸侯。莊王既以夏氏之室賜申公巫
臣。則又畀蒯之子反卒於襄老。襄老獲於邲。二子爭
之。未有成。恭王使巫臣聘於齊。以夏姬行。遂奔晉。
晉人用之。實通吳晉。使其子狐庸為行人於吳。而

教之射御道之伐楚至於今為患則申公巫臣之

為也今湫舉取於王子牟子牟得臯而亡執政弗

是謂湫舉曰女實遣之彼懼而奔鄭彌克緬然引領南

望曰庶幾赦吾臯又弗圖也乃遂奔晉晉人又用

之矣彼若謀楚其亦必有豐敗也哉子木愀然曰子形容

夫子何如召之其來乎對曰亡人得生又何不來

為子木曰不來則若之何對曰夫子不居矣春秋

相事以還軫於諸侯若資東陽之盜使殺之其可

乎不然不來矣子木曰不可我為楚卿而賂盜以

賂盜使殺只
要見得萬不
可留在他國
耳

賊一夫於晉，非義也。子爲我召之，吾倍其室，乃使
湫鳴召其父而復之。

湫舉，伍舉也。璧侑，以璧侑食，尚猶強也。良善也。
相助也。二先子，謂湫舉之父伍參、聲子之父子
朝也。傳曰：楚伍參與蔡太師子朝友，其子伍舉
與聲子相善也。四馬曰乘，受而不辭，定其心也。
兄弟於晉，言蔡晉同姓也。子元，欲盡文夫人，遂
處王宮，鬪班殺之。在魯莊三十年，啓子元子弗
是弗理也。東宮，西廣，楚軍營名。若敖氏子玉同
族，離謂不欲戰也。儀父，鬪克也。施，施皐於二帥。
二帥，潘崇子孔也。室，家資也。帥還，謂子孔、潘崇
之師也。二子懼，故以王如廬，廬，楚邑也。傳曰：初
鬪克囚于秦，秦有殺之敗，而使歸求成，成而不
得志，公子燮求令尹不得，故作亂，城鄭而使賊
子孔、弗克而還，戢黎廬大夫。二子燮及儀父也。
析公，臣楚大夫，或譖之，言與知二子之亂，規猶

有也。東夏蔡沈也。易中下中軍與下軍易卒伍也。中軍之卒良。故易之。示之弱以誘楚也。合合戰也。函入也。中中軍也。上下上下軍。左右左右軍也。萃集也。子夏御叔父。御叔娶鄭穆公之女夏姬。蚤死。陳靈公與孔寧儀行父淫夏姬。徵舒殺靈公。楚莊王以諸侯討之而滅陳。子南徵舒字。莊王欲納夏姬。巫臣諫不可。乃止。將以賜巫臣。則又與子反。子反欲取之。巫臣又難之。卒以與襄老。邲之戰。晉知莊子射襄老。獲之。以其尸歸。二子爭之。子反巫臣爭夏姬也。成定也。巫臣導夏姬使歸。託以求襄老之尸。恭王遣焉。巫臣聘諸鄭。鄭伯許之。及使適齊。至鄭。遂以夏姬行。奔晉。緬猶邈也。領頸也。豐大也。不居言當奉命於它國。軫車後橫木也。言四時相聘問之事。回車於諸侯。資賂也。東陽楚北邑。倍其室。益其家也。

靈王爲章華之臺與伍舉升焉。曰臺美夫。對曰臣

惡馬路切如
字亦通

幸法

聞國君服寵以為美。安民以為樂。聽德以為聰。致
遠以為明。不聞其以土木之崇高形鏤為美。而以
金石匏竹之昌大囂庶為樂。不聞其以觀大視侈。
淫色以為明。而以察清濁為聰也。先君莊王為匏
居之臺。高不過望國氛。大不過容宴豆。木不妨守
備。用不煩官府。民不廢時務。官不易朝常。問誰宴
焉。則宋公鄭伯問誰相禮。則華元駟騂問誰贊事。
則陳侯蔡侯許男頓子。其大夫侍之。先君是以除
亂克敵。而無惡於諸侯。今君為此臺也。國民罷焉。

財用盡焉年穀敗焉百官煩焉舉國留之數年乃成願得諸侯與始升焉諸侯皆距無有至者而後使大宰啓疆請於魯侯懼之以蜀之役而僅得以來使富都那豎贊焉而使長鬣之士相焉臣不知其美也夫美也者上下外內小大遠邇皆無害焉故曰美若於目觀則美縮於財用則匱是聚民利以自封而瘠民也胡美之爲夫君國者將民之與處民實瘠矣君安得肥且夫私欲弘侈則德義鮮少德義不行則邇者騷離而遠者距違天子之貴

也唯其以公侯爲官正而以伯子男爲師旅其有
美名也唯其施令德於遠近而小大安之也若歛
民利以成其私欲使民蒿焉忘其安樂而有遠心
其爲惡也甚矣安用目觀故先王之爲臺榭也榭
不過講軍實臺不過望氛祥故榭度於大卒之居
臺度於臨觀之高其所不奪穡地其爲不匱財用
其事不煩官業其日不廢時務瘠磽口交之地於是乎
爲之城守之木於是乎用之官寮之暇於是乎臨
之四時之隙於是乎成之故周詩曰經始靈臺經

之營之庶民攻之不日成之經始勿亟庶民子來
王在靈囿麀鹿攸伏夫爲臺榭將以教民利也不
知其以匱之也若君謂此臺美而爲之正楚其殆
矣

服寵謂以賢受寵服清濁宮羽也氛稜氣也宴
豆宴有折俎籩豆之陳也華元宋卿駢駟鄭穆
公之子子駟也留治也魯成二年楚子使公子
嬰齊帥師侵魯至蜀魯人懼使孟孫賂楚以受
盟富富於容貌都閑也那美也豎未冠者言取
美好不尚德也長鬣美鬚髯也縮取也蒿耗也
大卒主士卒也度謂足以臨見之城守之
木城守之餘也爲之正以爲得事之正

靈王城陳蔡不羹使僕夫子皙問於范無宇曰吾

不服諸夏而獨事晉何也唯晉近我遠也今吾城
三國賦皆千乘亦當晉矣又加之以楚諸侯其來
乎對曰其在志也國為大城官未有利者昔鄭有京
櫟歷衛有蒲戚宋有蕭蒙魯有弁費齊有渠丘晉有
曲沃秦有徵衙叔段以京居表患嚴公鄭居表幾不封櫟人
實使鄭子不得其位句法衛蒲戚實出獻公宋蕭蒙實
殺昭公魯弁費實弱襄公齊渠丘實殺無知晉曲
沃實納齊師秦徵衙實難桓景皆志於諸侯此其
不利者也且夫制城邑若體性焉有首領股肱至

於手毋拇毛脉大能掉徒小故變而不勤地有高下天

有晦明民有君臣國有都鄙古之制也先王懼其

不帥故制之以義旌之以服行之以禮辨之以名

書之以文道之以言既其失也易物之由夫邊境

者國之尾也譬之如牛馬處暑之既至暮蠶之既

多而不能掉其尾臣亦懼之不然是三城也豈不

使諸侯之心惕惕焉子皙復命王曰是知天咫安

知民則是言誕也右尹子革侍曰民天之生也知

天必知民矣是其言可以懼哉三年陳蔡及不羹

不出大字為
已有固固有
收

人納棄疾而殺靈王

魯昭八年。楚滅陳。使穿封戌為陳公。十一年。滅蔡。使公子棄疾為蔡公。今潁川定陵有東不羹城。襄城有西不羹亭。二國。楚別都也。京叔段之邑。魯隱元年。段圖篡嚴公。不克而奔。封國也。櫟子元之邑。魯桓十五年。鄭厲公因櫟人殺子元而遂居櫟。鄭子巖公子。子儀也。蒲。甯殖邑。戚。孫林父邑。魯襄十四年。甯殖孫林父逐衛獻公奔齊。蕭。蒙。宋公子鮑邑。魯文十六年。鮑殺昭公而自立。弁。費。季氏邑。渠丘。離廩邑。魯嚴八年。齊無知弑襄公而自立。九年。離廩殺無知。曲沃。欒盈邑。魯襄二十三年。欒盈奔齊。齊嚴公納之。盈以曲沃之甲。晝入為賊於絳。徵衛。秦桓公之子。景公之弟。公子鍼之邑也。公子鍼有寵於公。如二君於景。難。謂侵逼也。拇。大指也。掉。作也。變動也。勤。勞也。帥。循也。易物。易其尊卑服物之宜也。咫。言少也。言少知天道耳。何知治民之法。誕。虛也。

棄疾靈王之弟平王也。靈王無道，棄疾入國為亂。三軍畔王於乾谿。王自殺。在魯昭十三年。

左史倚相廷見申公子亶，子亶不出。左史謗之，舉伯以告。子亶怒而出，曰：「女無亦謂我老耄而舍我。」
而又謗我。左史曰：「唯子老耄，故欲見以交。儻子若子方壯，能經營百事，倚相將奔走承序，於是不給而何暇得見？」昔衛武公年數九十，有五矣，猶箴儆於國，曰：「自卿以下至於師長士，苟在朝者，無謂我老耄而舍我，必恭恪於朝，朝夕以交戒。我聞一二之言，必誦志而納之，以訓道我。在輿有旅賁之規。」

博昆

位宁有官師之典倚几有誦訓之諫居寢有瞽御

直喜

薛

之箴臨事有瞽史之道宴居有師工之誦史不失

書矇不失誦以訓御之於是乎作懿戒以自儆也

及其沒也謂之叡聖武公子實不叡聖於倚相何

睿

害周書曰文王至于日中昊不遑暇食惠于小民

唯政之恭文王猶不敢惰今子老楚國而欲自安

向法

也以禦數者王將何為若常如此楚其難哉子亶

懼曰老之過也乃驟見左史

子亶楚申公史老也舍棄也承序承受事業次序也師長大夫志記也旅賁勇力之士掌執矛

楯夾車而趨。車止則持輪。中庭之左右謂之位。門屏之間謂之宁。替近也。替樂太師。掌詔吉凶。史太史也。師樂師。工替矇也。御進也。三君云。懿戒書也。昭謂懿讀曰哲。大雅抑之篇也。毛詩叙曰。抑衛武公刺厲王。亦以自儆也。日昃日昃。禦止也。數者謂箴戒誹謗也。王將何為。言人臣尚如此。王將復何為乎。書

規模与尚章
大昭同

此語亦是誠
意王不悟耳

陳括尚書注

靈王虐。白公子張驟諫。王患之。謂史老曰。吾欲已子張之諫。若何。對曰。用之實難。已之易矣。若諫君則曰。余左執鬼中。右執殤宮。凡百箴諫。吾盡聞之矣。寧聞它言。白公又諫。王如史老之言。對曰。昔殷武丁能聳其德。至於神明。以入於河。自河徂亳。於

瞑彌箭切又
莫定切

是乎三年默以思道卿士患之曰王言以出令也
若不言是無所稟令也武丁於是作書曰以余正
四方余恐德之不類茲故不言如是而又使以象
夢求四方之賢聖得傳說向法以來升以爲公而使朝
夕規諫曰若金用女作礪若津水用女作舟若大
旱用女作霖雨啓乃心沃朕心若藥不瞑眩厥疾
不瘳若跣不視地厥足用傷若武丁之神明也其
聖之叡廣也其知之不疚也猶自謂未乂故三年
默以思道旣得道猶不敢專制使以象旁求聖人

既得以為輔，又恐其荒失遺忘，故使朝夕規誨。箴諫曰：必交修，余無余棄也。今君或者未及武丁而惡規諫者，不亦難乎？齊桓、晉文皆非嗣也，還軫諸侯不敢淫逸，心類德音，以得有國。近臣諫，遠臣謗，與人誦以自誥也。是以其入也，四封不備，一同而至於有畿田，以屬諸侯。至於今，為令君，桓文皆然。君不度憂於二令君而欲自逸也，無乃不可乎？周詩有之曰：弗躬弗親，庶民弗信。臣懼民之不信君也，故不敢不言。不然，何急其以言取臯也？王病之。

不然何急為
 句勿連下讀

犛莫交切亦作旄

日子復語不穀雖不能用吾牛亦有情有境憇寘之於耳對曰賴君之用也故言不然巴浦之犀徐履犛象其可盡乎其又以規為瑱也竟遂趨而退歸杜門不出七月乃有乾谿之亂靈王死之書

鬼中之中身也。殤宮。殤之居也。執謂把其錄籍制服其身。知其居處。若今世云能使殤也。聳敬也。入于河。遷于河內也。自河徂亳。從河內往亳都也。默諒闇也。又治也。非嗣。非嫡嗣也。還軫。謂出奔也。詰告也。備滿也。地方百里曰同。方千里曰畿。病之病不能然。故使復語也。憇猶願也。犛犛牛也。規諫也。瑱所以塞耳。言四獸之牙角。可以為瑱難盡也。而又以規諫為之乎。

司馬子期欲以其妾為內子訪之左史倚相曰吾

章法

辨或作斃

四喻俱妙

有妾而愿欲筭之古考其可乎對曰昔先大夫子囊違
 王之命諡子夕嗜芟子木有羊饋而無芟薦君子
 曰違而道穀陽豎愛子反之勞也而獻飲焉以弊
 於鄢芋尹申亥從靈王之欲以隕於乾谿君子曰
 從而逆君子之行欲其道也故進退周旋唯道之
 從夫子木能違若敖之欲以之道而去芟薦吾子
 經楚國而欲薦芟以干之其可乎子期乃止

違而道違命令道也穀陽豎子反之內豎也弊
 蹄也鄢陵之戰楚師敗恭王傷目明日將復戰
 王召子反穀陽豎獻飲於子反子反醉不能見
 王曰天敗我也乃宵遁子反自殺芋尹申亥申

正曰。天敗我也也。乃宥通。子及自殺。辛尹申亥。申

無字之子也。乾谿之役。申亥曰。吾父再奸王命。王不誅。惠孰大焉。乃求王。遇諸棘闈。以王歸。王繼。申亥以其二女殉而葬之。從從欲也。經。經緯也。干犯也。以妾為妻。猶以芟當祭也。

昭王問於觀射石父曰。周書所謂重黎實使天地不

通者何也。若無然。民將能登天乎。對曰。非此之謂

也。古者民神不雜。民之精爽不備。貳者而又能齊

肅衷正。其知能上下比義。其聖能光遠宣朗。其明

能光照之。其聰能聽徹之。如是則明神降之。在男

曰覲。在女曰巫。是使制神之處。位次主而為之。牲

器時服。而後使先聖之後之有光烈。而能知山川

攜懽音攜或作

章法

覲胡歷切又
胡格切

長句因見法
然但可者一

之號高祖之主宗廟之事昭穆之世齊敬之勤禮
節之宜威儀之則容貌之崇忠信之質禋潔之服
而敬恭明神者以爲之祝使名姓之後能知四時
之生犧牲之物玉帛之類采服之儀彝器之量次
主之度屏攝之位壇場場之所上下之神氏姓之出
而心率舊典者爲之宗於是乎有天地神民類物
之官謂之五官各司其序不相亂也民是以能有
忠信神是以能有明德民神異業敬而不瀆故神
降之嘉生民以物享禍災不至求用不匱及少皞

之衰也。九黎亂德，民神雜糅，不可方物。夫人作享，
家爲巫史，無有要質。民匱於祀而不知其福，烝享
無度。民神同位，民瀆齊盟，無有嚴威。神狎民則不
蠲其爲，嘉生不降，無物以享。禍災荐臻，莫盡其氣。
顓頊受之，乃命南正重司天以屬神，命火正黎司
地以屬民，使復舊常，無相侵瀆。是謂絕地天通。其
後三苗復九黎之德，堯復育重黎之後，不忘舊者，
使復典之。以至於夏商，故重黎氏世敘天地而別
其分主者也。其在周，程伯休父其後也。當宣王時，

失其官守而為司馬氏寵神其祖以取威於民曰
重實上天黎實下地遭世之亂而莫之能禦也不
然夫天地成而不變何比之有

重黎顓頊掌天地之臣周書呂刑曰乃命重黎
絕地天通謂少皞之末民神雜糅不可方物顓
頊受之乃命南正重司天以屬神火正黎司地
以屬民謂絕地與天相通之道雜會也不雜司
民司神之官各異也懽離也高祖廟之先也潔
祀曰禋祝大祝也掌祈福祥四時之生嘉穀非
卵之屬次主之度疏數之度也屏屏風也攝形
如今要屏皆所以分別尊卑為祭祀之位宗宗
伯也掌祭祀之禮類物謂別善惡利器用之官
明德謂降福祥不為災孽也嘉生善物也九黎
黎氏九人也同位故雜糅方猶別也物名也夫
人人人也享祀也巫主接神史次位序言人人

自爲之。質誠也。齊同也。狎習也。則法也。蠲潔也。其爲所爲也。荐重也。氣受命之氣。育長也。寵尊也。世之亂。謂幽平以下也。禦止也。何比之。有言不相比近。

子期祀平王。祭以牛俎於王。王問於觀射父曰。祀牲何及。對曰。祀加於舉。天子舉以大牢。祀以會。諸侯舉以特牛。祀以大牢。卿舉以少牢。祀以特牛。大夫舉以特牲。祀以少牢。士食魚炙。祀以特牲。庶人食菜。祀以魚。上下有序。民則不慢。王曰。其小大何如。對曰。郊禘不過爾栗。烝嘗不過把握。王曰。何其小也。對曰。夫神以精明臨民者也。故求備物。不求

豐大是以先王之祀也。以一純二精三牲四時五色六律七事八種九祭十日十二辰以致之。百姓千品萬官億醜兆民經入該數以奉之。明德以昭之。酥聲以聽之。以告徧至則無不受休。毛以示物。血以告殺。接誠拔取以獻。具為齊敬也。敬不可久。民力不堪。故齊肅以承之。王曰。芻豢幾何。對曰。遠不過三月。近不過浹日。王曰。祀不可以已乎。對曰。祀所以昭孝。息民撫國家。定百姓也。不可以已。夫民氣縱則底底。底則滯滯。滯則不震。生乃不殖。是用不

一作滯以不
 震

盞即夷切通
作菜

從其生不殖不可以封是以古者先王日祭月享
時類歲祀諸侯舍日卿大夫舍月士庶人舍時天
子徧祀羣神品物諸侯祀天地三辰及其土之山
川卿大夫祀其禮士庶人不過其祖日月會於龍
甍丁候土氣含收天明昌作百嘉備舍羣神頻行國於
是乎烝嘗家於是乎嘗祀百姓夫婦擇其令辰奉
其犧牲敬其盞盛潔其糞除慎其采服禋其酒醴
帥其子姓從其時享虔其宗祝道其順辭以昭祀
其先祖肅肅濟濟如或臨之於是乎合其州鄉朋

胡計切又
胡界切

割苦圭切又
工惠切

友婚姻比爾兄弟親戚於是乎弭其百苛姦其讒
慝合其嘉好結其親暱億其上下以申固其姓上
所以教民虔也下所以昭事上也天子禘郊之事
必自射其牲王后必自舂其粢諸侯宗廟之事必
自射其牛割羊擊豕夫人必自舂其盛況其下之
人其誰敢不戰戰兢兢以事百神天子親舂禘郊
之盛王后親縹其服騷自公以下至於庶人其誰敢
不齊肅恭敬致力於神民所以攝固者也若之何
其舍之也王曰所謂一純二精七事者何也對曰

聖王正端冕以其不違心帥其羣臣精物以臨監
享祀無有苛慝於神者謂之一純玉帛爲二精天
地民及四時之務爲七事王曰三事者何也對曰
天事武地事文民事忠信王曰所謂百姓千品萬
官億醜兆民經人咳數者何也對曰民之徹官百
王公之子弟之質能言能聽徹其官者而物賜之
姓以監其官是爲百姓姓有徹品十於王謂之千
品五物之官陪屬萬爲萬官官有十醜爲億醜天
子之田九咳以食兆民王取經入焉以食萬官

子期。楚平王之子。結祭以牛。俎於王。致牛俎於昭王也。舉人君朔望之盛饌。太牢。牛羊豕也。會。會三大牢。舉四方之貢。特。一也。少牢。羊豕。特牲。豕也。藹栗。角如藹栗。把。長不出把者。八種。八音。九祭。九州助祭。十日。甲至癸。十二辰。子至亥。擇其吉日良辰。以致神者。至。神至也。拔取。拔毛取血。獻具。備物也。浹日。十日也。息民。使民蕃息。底。箸也。滯。廢也。震。懼也。言無祭祀。則民無所畏忌。無所畏忌。則志放縱。志放縱。則遂廢滯。難復。恐懼也。生。人物也。殖。長也。不殖。神不降以福也。不從。不從上令也。封。國也。以事類曰類。品物。謂若八蜡所祭。貓虎昆蟲之類也。三辰。日月星也。祀其禮。謂五祀及祖所自出也。豨。龍尾也。周十二月。夏之十月。日月合辰於尾上。含收。收縮萬物含藏也。昌。盛也。作。起也。謂天氣上也。嘉。善也。時物畢成。舍入室也。類。並也。並行欲求食也。烝。冬祭。嘗。嘗百物也。禋。潔也。弭。止也。舛。覆也。止。覆。皆解怨除恨之辭。億。安也。剌。刺也。器實曰粢。在器

蕭注

曰盛。上言粢。下言盛。互文也。乾稱剛健。故武。地質柔順。故文。徹達也。徹官百。自以名達於上者。有百官也。物事也。以功事賜之姓。官有世功。則有官族。若司馬太史之屬是也。姓有徹品十於王。謂一官之職。其寮屬徹於王者。有十品。百官。故有千品也。五物之官。謂天地神民類物之官也。臣之臣為陪屬。復有十等。千品。故萬官也。醜類也。以十醜承萬為十萬。十萬曰億。九咳。九州之內有咳數也。經常也。常入。徵稅也。

圖

鬪

子奈

且廷見令尹子常。子常與之語。問蓄貨聚馬歸

以語其弟曰。楚其亡乎。不然。令尹其不免乎。吾見令尹。令尹問蓄聚積實。如餓豺狼焉。殆必亡者也。夫古者聚貨。不妨民衣食之利。聚馬不害民之財。

章注

糗去久切又丘救切

雜事

用國馬足以行軍，公馬足以稱賦，不是過也。公貨足以賓獻，家貨足以共用，不是過也。夫貨馬郵則闕於民，民多闕則有離畔之心，將何以封矣。昔鬪子文三舍，令尹無一日之積，恤民之故也。成王聞子文之朝不及夕也，於是乎每朝設脯一束，糗一筐，以羞子文。至於今，令尹秩之。成王每出，子文之祿必逃。王止而後復，人謂子文曰：人生求富而子逃之，何也？對曰：夫從政者以庇民也，民多曠者而我取富焉，是勤民以自封也，死無日矣。我逃死非。

司目韋無解
按吳語以司
吾間鄭公補
音曰司音伺
古通用

逃富也。故莊王之世，滅若敖氏，唯子文之後在。至於今處，鄖為楚良臣，是不先恤民而後已之富乎？今子常先大夫之後也，而相楚君，無令名於四方。民之羸餒，日日已甚。四境盈壘，道殣相望。盜賊司目，民無所放。是之不恤，而蓄聚不厭，其速怨於民多矣。積貨滋多，蓄怨滋厚，不亡何待？夫民心之愠也，若防大川焉。潰而所犯，必大矣。子常其能賢於成靈乎？成不禮於穆，願食熊蹯，不獲而死。靈王不顧於民，一國棄之，如遺迹焉。子常為政而無禮，不

顧甚於成靈其獨何力以待之期年乃有柏舉之

戰子常奔鄭昭王奔隨

官

國馬民馬十六井為丘有戎馬一疋牛三頭足以行軍也。公馬公之戎馬稱舉也。賦兵賦宿饗贈也。獻貢也。郵過也。封厚也。糗寒粥羞進也。秩常也。魯宣四年子文之弟子鬬椒為亂莊王滅若敖氏之族子文之孫歲尹克黃使於齊還而自拘於司敗王思子文之治楚也曰子文無後何以勸善使復其所其子孫當昭王時為鄖公盈滿也。道家曰殓成楚成王穆王之父穆穆王商臣也。成王欲黜商臣而立其弟職商臣圍成王。王請食熊蹯而死不聽遂自殺如遺迹如行人之遺棄其迹也。待猶禦也。初蔡昭侯朝於楚子常欲其佩唐成公亦朝焉子常欲其驪馬二君不予而留之三年予之乃得歸歸與吳伐楚大敗之柏舉在魯定四年

隊或作墜

孝法

吳人入楚昭王出奔濟於成曰見藍尹壘載其孥
王曰載予對曰自先王莫隊其國當君之世而亡
之君之過也遂去王王歸又求見王王欲執之子
西曰請聽其辭夫其有故王使謂之曰成曰之役
而棄不穀今而敢來何也對曰昔瓦唯長舊怨以
敗於柏舉故君及此今又效之無乃不可乎臣避
於成曰以傲君也庶悛而更乎今之敢見觀君之
德也曰庶懼而鑒前惡乎君若不鑒而長之君實
有國而不愛臣何有於死死在司敗矣唯君圖之

子西曰使復其位以無忘前敗王乃見之

吳人闔閭也。妻子曰孥。隊失也。瓦子常名。長猶積也。何有於死。何惜於死也。楚謂司寇為司敗。

吳人之入楚楚昭王奔郢鄭公之弟懷將殺王鄭

公辛止之懷曰平王殺吾父在國則君在外則讎

也見讎弗殺非人也鄭公曰夫事君者不為外內

行不為豐約舉苟君之尊卑一也且夫自敵以下

則有讎非是不讎下虐上為殺上虐下為討而況

君乎君而討臣何讎之為若皆讎君則何上下之

有乎吾先人以善事君成名於諸侯自鬪伯比以

當於尊字句

意注

來未之失也。今爾以是殃之。不可懷。弗聽。曰。吾思吾父不能顧矣。鄭公以王奔隨。王歸而賞及鄭。懷子西諫曰。君有二臣。或可賞也。或可戮也。君王均之。羣臣懼矣。王曰。夫子期之二子邪。吾知之矣。或禮於君。或禮於父。均之。不亦可乎。

鄭公蔓成然之子。鬪辛也。成然立平王。貪求無厭。平王殺之。不為外內行。不為外內易行也。豐盛。約衰。舉動也。敵敵體也。殃。病害也。子期成然字。

子西歎於朝。藍尹亶曰。吾聞君子唯獨居。思念前世之崇替。與哀殯喪。於是有歎。其餘則不。君子臨

崇替當是盛衰之意

政思義、飲食思禮、同宴思樂、在樂思善、無有歎焉。
今吾子臨政而歎、何也？子西曰：闔閭能敗吾師、闔
閭卽世、吾聞其嗣又甚焉。吾是以歎。對曰：子患政
德之不修、無患吳矣。夫闔閭口不貪嘉味、耳不樂
逸聲、目不淫於色、身不懷於安、朝夕勤志、恤民之
羸、聞一善若驚、得一士若賞、有過必悛、有不善必
懼、是故得民以濟其志。今吾聞夫差初佳好罷民力、以
成私好、縱過而翳諫、一夕之宿、臺榭陂池必成、六
畜玩好必從、夫先自敗也、已焉能敗人。子修德以

待吳吳將斃矣。

崇終也。詩云。曾不崇朝。替廢也。若賞若受。賞也。替。郭也。

王孫圉聘於晉。定公饗之。趙簡子鳴玉以相問於

王孫圉曰。楚之白珩猶在乎。對曰。然。簡子曰。其為

寶也。幾何矣。曰。未嘗為寶。楚之所寶者。曰觀射父。

能作訓辭以行事於諸侯。使無以寡君為口實。又

有左史倚相。能道訓典。以敘百物。以朝夕獻善敗

於寡君。使寡君無忘先王之業。又能上下說乎鬼

神。順道其欲。惡使神無有怨痛於楚國。又有藪曰

孝法

國語
雲連徒洲。金木竹箭之所生也。龜珠齒角。皮革羽
毛。所以備賦用。以戒不虞者也。所以共幣帛。以賓
享於諸侯者也。若諸侯之好幣具。而導之以訓辭。
有不虞之備。而皇神相之。寡君其可以免辜於諸
侯。而國民保焉。此楚國之寶也。若夫白珩。先王之
玩也。何寶焉。圉聞國之寶。六而已。聖能制議。百物
以輔相國家。則寶之。玉足以庇蔭嘉穀。使無水旱
之災。則寶之。龜足以憲臧。不則寶之。珠足以禦火
災。則寶之。金足以禦兵亂。則寶之。山林藪澤。足以

備財用則寶之。若夫譁器之美，楚雖蠻夷不能寶也。

鳴玉以相。鳴其佩玉以相禮。珩佩上橫。皇大也。玉祭祀之玉。憲法也。取善惡之法也。

惠王以梁與魯陽文子。文子辭曰：梁險而在北境，懼子孫之有貳者也。夫事君無憾，憾則懼。偏偏則懼貳。夫盈而不偏，憾而不貳者，臣能自壽也。不知其它，縱臣而得以其首領，以沒懼子孫之。以梁之險而乏臣之祀也。王曰：子之仁，不忘子孫，施及楚國，敢不從子。與之魯陽。

文子司馬子期之子魯陽公也。憾恨也。偏。偏上也。偏則懼誅。故貳也。盈滿也。壽保也。

為注

子西使人召王孫勝沈諸梁聞之見子西曰聞子
召王孫勝信乎曰然子高曰將焉用之曰吾聞之
勝直而剛欲寘之境子高曰不可其為人也展而
不信愛而不仁詐而不知毅而不勇直而不衷周
而不淑復言而不謀身展也愛而不謀長不仁也
以謀蓋人詐也彊忍犯義毅也直而不顧不衷也
周言棄德不淑也是六德者皆有其華而不實者
將焉用之彼其父為戮於楚其心又猶而不潔若

其猶也不忘舊怨而不以潔悛德思報怨而已則
其愛也足以得人其展也足以復之其詐也足以
謀之其直也足以帥之其周也足以蓋之其不潔
也足以行之而加之以不仁奉之以不義蔑不克
矣夫造勝之怨者皆不在矣若來而無寵速其怒
也若其寵之毅貪而無厭既而得人而耀之以大
利不仁以長之思舊怨以修其心苟國有釁必不
居矣非子職之其誰乎彼將思舊怨而欲大寵動
而得人怨而有術若果用之害可待也余愛子與

司馬故不敢不言。子西曰：德其忘怨乎？余善之。夫
 乃其寧。子高曰：不然。吾聞之曰：唯仁者可好也。可
 惡也可高也。可下也好之。不偏。惡之不怨。高之不
 驕。下之不懼。不仁者則不然。人好之則偏。惡之則
 怨。高之則驕。下之則懼。驕有欲焉。懼有惡焉。欲惡
 怨偏。所以生詐謀也。子將若何？若召而下之，將戚
 而懼。為之上者，將怒而怨。詐謀之心，無所靖矣。有
 一不義，猶敗國家。今壹五六而必欲用之，不亦難
 乎。吾聞國家將敗，必用姦人而嗜其疾，味其子之

轉折

謂乎夫誰無疾轉折青色能者蚤除之舊怨滅宗國之疾
青也為之關籥蕃籬而遠備閑之猶恐其至也是
之為日惕若召而近之死無日矣人有言曰狼子
野心怨賊之人其又可善乎若子不我信盍求若
敖氏與子干子皙之族而近之安用勝也其能幾
何昔齊駟馬側留繻以胡公入於貝水丙觸郟觸閭職戕懿
公於囿竹晉長魚矯矯殺三郤於榭魯圍人犂洛殺子
般於次夫是誰之故也非唯舊怨乎是皆子所聞
也人之求多聞善敗以鑑戒也今子聞而棄之猶

尚是相尚之
尚勝白公名
猶云說得勝
太能事也笑
而曰明是輕
勝意

蒙耳也。吾語子何益。吾知逃而已。子西笑曰：子之
尚勝也。不從。遂使爲白公。子高以疾閒居於蔡。及
白公之亂，子西子期死。葉公聞之，曰：吾怨其棄吾
言，而德其治楚國。楚國之能平均，以復先王之業
者，夫子也。以小怨寘大德，吾不義也。將入殺之。帥
方城之外，以入殺白公，而定王室，葬二子之族。

王孫勝，楚平王太子建之子。初，費無極爲太子
少師，無寵。太子娶於秦而美，勸王納之。遂譖太
子曰：建將叛。太子奔鄭，而與晉謀鄭人殺之。
勝奔吳。沈諸梁，葉公子高也。寘，置也。傳曰：召之
使處吳境，爲白公。是也。展誠也。復，言可復。不
欺人也。周言棄德，取周其言而不以德也。狷者

直已之志。不從人也。造勝之怨。謂費無極之徒。讚太子者。職主也。言子西將主此禍。父死而怨。故曰有術。司馬子西之弟子期也。德其忘怨。言綏之以德。必忘怨也。疾味味爲已生疾害。喻不好善也。昔猶災也。若敖氏。莊王所滅。子于子皙。平王所殺。其能幾何。言危不久也。騶馬。繻齊大夫。齊胡公虐馬繻。馬繻殺胡公。內之貝水。齊懿公爲公子時。與邴歆之父爭田。弗勝。及卽位。乃掘而別之。而使歆僕。納閭職之妻。而使職驂乘。魯文十八年。懿公游于申池。二人殺公而內之竹中。長魚矯見晉語。子般魯莊公太子。雩講於梁氏。女公子觀之。圉人犖自牆外與之戲。子般鞭之。莊公薨。子般卽位。次于黨氏。公子慶父使犖賊子般。在魯莊三十二年。子之尚勝。言子論議好尚勝人也。魯哀十六年。白公請伐鄭。以報父讎。子西旣許之。未起師。晉伐鄭。楚又救之。與之盟。白公怒。遂作亂。殺二子於朝。

皇明萬曆己未仲秋烏程閔齊伋遇五父裁注

浙江圖書館





浙江圖書館

浙江圖書館
藏書



浙江圖書館




浙江圖書館

浙江圖書館善本

甲 登記號： 32583

一九 年 月 日



Blue

Cyan

Green

Yellow

Red

Magenta

White

3/Color



Black



TIFFEN Color Control Patches

© The Tiffen Company, 2007

Centimetres

Inches





TIFFEN Color Control Patches © The Tiffen Company, 2007

Blue	Cyan	Green	Yellow	Red	Magenta	White	3/Color	Black
------	------	-------	--------	-----	---------	-------	---------	-------